

平壤志選一

詩

言之精者為文文之精者為詩詩與文皆本於性情而發為聲音者也平壤地在孔道名賢往來江山之秀麗物力之繁雄足以據懷舊之蓄念撫當今之勝蹟品題之發揮之連篇累牘有足可觀若不哀聚將恐滅滅後日採詩者何據焉茲者無論今昔咸歸于志

光陵御製 浮碧樓

浩浩江流何窮盡有其源者皆如是堂堂洪業云何廢

渺實冥冥無天地，叨握瑤圖平禍亂。豈予全賴用衆智，聘目千山成一界。古今英豪無二致，治戎省方求民瘼。八教焉能獨專美。

永明寺

高麗睿宗

清江西壁聳蓮宮，物像超然擬閬風。繞郭峰巒爭縹緲，滿林花木鬪青紅。雨天輪臈填樓下，月夜笙歌泛水中。今日單紗神考迹，感傷依舊意無窮。

九梯宮

路險東明闕，停車解駕牛古城。橫絕巘高閣枕寒流，藻殿常開戶珠簾不下鈎。勝遊真可惜，後約更高秋。

古宮遺址在層巒，步履履登出眼界。寬曠野三邊，山簇簇長天一面海。漫漫

永明寺

佛宇相連舊帝宮，松楸千古有遺風。琉璃殿屋凝空碧，錦繡簾旌照水紅。夜靜船橫清鏡裏，月明樓倚畫屏中。十年一幸經三日，滿目烟波趣不窮。

大同江

金仁存

雲卷長空水映天，大同樓上敞華筵。清和日色篩簾幕，旖旎香烟泛管絃。一帶長江澄似鏡，兩行垂柳遠如烟。行者乙密臺前景自驗，千年表未然。

浮碧樓

金富軾

朝退離宮得勝遊，無窮景象赴雙眸。
雲邊列岫重重出，城下寒江漫漫流。
柳暗誰家沽酒店，月明何處釣魚舟。
牧之曾願為閑客，今我猶嫌不自由。

南浦

鄭知常

雨歇長堤草色多，送君南浦動悲歌。
大同江水何時盡，別淚年年添綠波。

西都

紫陌東風細雨過，輕塵不動柳絲斜。
綠窓朱戶笙歌咽，盡是梨園弟子家。

涇江

金克己

渡口前驅擁劍槓，驚風卷地曉飛沙。
寒髯颯颯冰疑礙，病眼濛濛雪眩花。
鄉思望雲增宛轉，客行隨岸幾歌斜。
隔林隱映青旂遠，認前村酒可賒。

九梯宮

玉宇撐空起重宮，閔幾年鳳輿今問俗。
麟馭昔升仙嶺，抄箠隴巖阿試茗泉窟。
深穿地底梯迥倚天邊，飲鎬周王樂歌汾漢帝篇。
遠人尋勝景誰記路綿綿，浮碧樓。

五色雲中白玉樓，飛來地上稱天遊。
屏開北檻千峰

秀鏡瀉東軒一水流苔徑鎮容安虎錫柳汀曾放
龍舟至今聖藻留華榜雲漢昭迴迥照幽
一點朱樓擇地成風烟淨麗寫吳京山橫北畔金蓮
秀水注南涯玉簫平巖眩翠嵐樺榻暗渡頭紅日客
帆明華人處處稱甘露比較清軒浪得名

永明寺

蕭齋咄咄半空懸水影山光更接連燒盡鵲爐香一
縷倚欄收拾好風烟

江頭禿嶺碧崢嶸上起蕭宮枕月城鴈塔靜蟠波底
影鯨鍾高撼樹端聲天開觀之臨慈氏地關毗耶位

正名憑杖免宮千萬戶玉斤何處更修成

石徑吉祥草金爐知見香追尋泉石勝洗滌市朝忙
嶺月宵回畫江風夏送涼爽如霄漢上仙變命鸞凰
尋空忽到側金園笑倚朱軒瞰碧瀾野氣倩雲埋疊
壁江聲憑雨吼回灘銀宮已訝遊方丈土宇休要索
廣寒先想下巖回首處晚嵐濃綠落霞丹

紺宇清高足勝遊憑欄卷箔久凝眸叢叢秀嶺撐空
起森森澄江入海流萬壑冷風隨一磬千波皎月趁
三舟忘機却愛洲頭鷺日落人歸更自由

蕭宮隔世靜淵淵疊巘南端水北偏龍女抱珠來買

賀鴈王銜果下翩翩林中淨掃黃金地浪底輕搖碧玉天笑謝烟霞無盡景超陪几輩共爭妍

觀風殿

殿宇連雲峭龍深槐楓礙日鬱森沉碧潭寫影清如鏡靈劍何年出外濤

多景樓

家園寂寂春將半道分春光猶爛熳烟濃柳弱短長垂雨歇花繁紅紫間禁中憶昔同遊玩涕淚交零腸欲斷唯將尺素寫幽懷忘却踈狂詩酒伴

鼇頭轉處黃金闕偶落人間鳳輦追歡一眼瓊田萬頃寬長風忽起吹向浪翻湧銀山日已三竿曉氣凜

微送嫩寒

抹桑子詞

麒麟窟

朱蒙駕馭欲朝真嶺半金塘養玉麟忽隨寶鞭終不返樛宮誰復上秋旻

朝天石

麒麟一駕上朝天空使人間涕泣然惟有靈巖三四向湖生潮落碧江邊

朝真不復下三天一朶靈巖尚宛然收拾玉鞭巖底處北峰高柱白雲邊

酒巖寺

振策尋崖寺殘陽獨倚樓北峰深法苑南浦湛禪流
有杖解林虎無盃驚海鷗至今香火外魚鳥只同遊
興福寺

雨洗園花紅隱約烟迷巷柳綠歌斜誰分一段天工
巧錦繡粧成百萬家

連滄橋

白沙青草又雲山况有長流去去闊滿眼風光不可
極一軒人在畫圖間

通漢橋

虹橋駕迥繞銀灣漢使星槎幾往還一片天孫機下
石榴花歲久遍人間

薄金川

一道飛川始發源紅衢斷處乳山根甘涼氣味宜烹
茗苦被都人汲引喧
一水來從何處源乳山山下白雲根試茶處處人相
汲人去人來盡日喧

林原驛

認得孤郵隔數峰林間聽取一聲危崩崖窈窕穿雲
棧絕矚伶俜度石江漠漠秦亭長復短迢迢楚堠隻

還雙擡頭遠眺天無際早晚行經北受降

詠歸樓

雨過長江曉氣清晴暉玉鏡照人明亂巖駭浪爭何
事相遇難禁怒罵聲

兩葉悠悠河水清遠山如翼盡分明一樽酒醉不歸
去朝落沙頭鷗鳥聲

鎬京地勝景雖多遊賞遍憐帶郭河初放牙樞輕信
浪忽傳羽筆快隨波黃鸝轉處杜工部白鷺飛邊張
志和澤畔恐遭漁父笑未顏顏玉莫辭配

權漢功

磯邊綠樹春陰薄江上青山暮色多宛在水中迷遠
近芳洲何處竹枝歌

浮碧樓

白鷗波上踈踈雨黃犢坡南點點山繡嶺日昏蝙蝠
鬧銀灘雲暝鷺鷁閑

手携永明長慶僧扁舟蕩漾江中流宛在紅塵不到
處更窮滄浪欲盡頭古來賢達知誰健我醉欲眠君
且休月巖以南天下少朝天石老烟雨愁

永明樓

趙簡

太丘車蓋欲東還金碧重輝錦繡山穿月棹聲連榻

上掛空燈影落波間銀灘釣叟魚同樂翠嶂禪僧鶴
共開對此若論多少景南賓八詠捻無顏

永明寺

擬欲輕舟訪僧寺狂歌醉舞流中流臺前潏艷一江
面島外出沒千山頭興多遊子語擾擾道高老衲言
休休月巖峰上一輪月照破人人今古愁

次一齋大同船窓韻

邢君紹

江中石老烟波沒城上臺荒草樹多好古客來何所
感黃河一曲昔人歌

永明寺浮碧樓

江樓孤笛動龍眠醉裏風流白日仙遠樹似雲雲似
樹長天浮水水浮天兩崖出沒高低岸萬派朝宗巨
細川一葉扁舟何處客茫茫獨去夕陽邊

永明寺

李混

永明寺中僧不見永明寺前江自流山空孤塔立庭
際人斷小舟橫渡頭長天去鳥欲何向大野東風吹
不休往事微茫問無處淡烟斜日使人愁

西都口號

李之氏

大同江水琉璃碧長樂宮花錦繡紅玉輦一遊非好
事太平風月與民同

西都留別邢通憲

李齊賢

露侵征袖曉寒多酒盡離觴塞月斜誰料北窓螢雪
客每年鞍馬走風沙

永明樓

鄭夢周

使臣東下作清遊俱是當今第一流玉節遠過遼海
上黃花初見沮江頭人生有酒莫辭醉客裏對山聊
可休萬國即今歸混一登臨不用起閑愁

李崇仁

勝日同登百尺樓長江滾滾自東流佳人媚嫵空青
眼遊子歸來欲白頭巖勢遠迴猶未了物華生意不

能休吟邊却想龍潭路信美還如容裏愁

浮碧樓

李穡

昨過永明寺暫登浮碧樓城空月一片石老雲千秋
麟馬去不返天孫何處遊長嘯倚風磴山青江自流

麒麟窟

麟去白雲窟龍歸芳草洲江山如昨日有客獨登樓

浮碧樓

鄭誦

登臨盡日却忘還貪看樓前水與山繞渚鷺明烟雨
裏倚闌人在畫圖間一天不礙心何限萬景爭牽眼
未閑誰把蓬壺移此地直將風骨換童顏

莫謂層崖高閣險恍如騎鶴跨江流
野花颺彩明春意月露懸光影
樹頭爽氣浮雲微雨後綠陰芳草樂
時休樓前眼界窮無礙山與雲平不見愁

張溥

蘭橈飛棹下滄溟江上來尋浮碧亭
水底山光留住綠巖前樹色送來青
離懷對景詩難就涼思吹入酒
易醒片晌登臨千古恨漫題歲月記曾經
停驂一上岷江樓浪重重檻外流
山色空餘詩在恨菊花還拈老入頭
同遊英傑情何厚獨愧疎慵醉
即休四海一家風龍馬登臨不用駕離愁

周作

高樓百尺幾春秋檻外長江日夜流
薜荔年深綠石角鷓鴣書靜上灘頭
扶餘有土今猶在箕子遺風久不休
此際登臨共遊賞滿前清興解多愁

陸顥

孤舟晚泊近層樓為愛登樓復捨舟
風物暗隨時序改江山曾閱古今遊
綠雲芳樹千峰合夾岸桃花一水流
回首未窮觀覽興紫簫吹月更夷猶

鄭道傳

永明山下大江流畫舸來尋浮碧樓
風笛正高天欲

暮烟波渺渺使人愁

鄭 捨

江臯秣子馬籍草坐移時迴野平如掌高岑遠似石
遠城江瀟瀟隔岸樹離離邀笑八條教誰能重設施
城頭老樹猶遮日山頂高樓遠引風

全篇遠只傳此一聯

權 近

曠日驟鞍出郭遊山前傑閣俯長流娟娟遠樹平郊
外泛泛扁舟古渡頭千載繁華相代謝四時風景豈
終休登臨悵望東南久縹緲烟波送客愁

大同江

箕子遺墟地自平大同西折抱孤城烟波縹緲連天
遠秋水澄明澈底清廣納百川常混混虛涵萬像更
盈盈沛然入海朝宗意正似吾王事大誠

九梯宮

紫翠峰巒控大邦芙蓉一朵挿長江九梯宮廢尋遺
址萬歲歌傳調舊腔山海縱觀遊日遠雲霞高步寸
心降翛然白日登仙境定是人間未有雙

永崇殿

原廟深嚴面勢安五雲飛繞翠松間江流滾滾思
王澤天日明明識 聖顏宮樹鳥啼春自老禁門人

靜書常關永懷開國規模遠再拜歸來恨滿山

麒麟窟

山前窟穴最深幽聞道真人昔此留麒麟自別天上
至鬼神為導地中遊冥冥有路通仙府渺渺無蹤跡
俗流語恠縱然非聖道題詩聊記所傳由

箕城懷古

聞說鴻荒日檀若降樹邊位臨東國土時在帝堯天
傳世不知幾歷年曾過千後來箕子代同是號朝鮮

麒麟窟

李詹

往事悠悠恠且神城東有窟號麒麟明王從此朝天
上巨石依然在水濱沈水源深堪避世仇池穴窄僅
容身流傳足可供談笑過客何煩辨偽真

朝天石

江石磐陀四面通朝天遺跡竟成空蒼根屹立中冷
水白浪舂撞兩岸風雲物暗連麒麟窟月華分照帝
王宮魚龍寂寞仙遊遠留與苔磯坐釣翁

永崇殿

朝暮齋官謁 柘黃闕宮清靜水沉香箕封千載朝
鮮國統合三韓 祖聖王八彩祥雲橫華岳 重瞳
瑞日照扶桑鴻圖永固乘來裔 玉葉金枝福祿昌

南浦

金宗瑞

送客江頭別恨多管絃淒斷不成歌
天教風伯阻旌旆一夕大同生晚波

李克堪

江上雪消江水多夜來聞唱竹枝歌
與君一別思何盡千里春心送碧波

浮碧亭

金時習

不堪吟上涇江亭嗚咽江流斷腸聲
故國已銷龍虎氣荒城猶帶鳳凰形
汀沙月白迷歸鴈庭草烟收點露螢
風景蕭條人事換寒山寺裏聽鐘鳴

帝宮秋草冷淒淒迴磴雲遮徑轉迷
妓館故基荒薺合女牆殘月夜烏啼
風流勝事成塵土寂寞空城蔓蒺藜
唯有江波依舊咽滔滔流向海門西

涇江之水碧於藍千古興亡恨不堪
金井水枯垂薜荔石壇苔蝕擁檀栾
異鄉風月詩千首故國情懷酒半酣
月白倚軒眠不得夜深香桂落毵毵

中秋月色正嬋娟一望孤城一悵然
箕子廟庭喬木老檀君祠壁女蘿緣
英豪寂寞今何在草樹依稀問幾年
唯有昔時端正月清光流彩照衣邊

月出東山烏鵲飛夜深寒露襲人衣
千年文物衣冠

盡萬古山河城郭非聖帝朝天今不返閑談落世竟
誰依金輿麟馬無行跡輦路草荒僧獨歸

庭草秋寒玉露凋青雲橋對白雲橋隋家士卒隨鳴
瀨帝子精靈化怨蛸馳道烟埋香輦絕行宮松偃暮
鐘搖登高作賦誰同賞月白風清興未消

東亭今夜月明多清話其如感慨何樹色依倚青蓋
展江流激灑練裙拖光陰忽盡若飛鳥世事屢驚如
逝波此夕情懷誰了得數聲鐘磬出烟蘿

故城南望涇江分江碧沙明叫鴈群麟駕不來龍已
去鳳吹曾斷土為墳晴嵐欲雨詩圓就野寺無人酒

半醺忍者銅駝沒荆棘千年蹤跡化浮雲

草根咽咽泣寒螢一上高亭息渺茫斷雨殘雲傷往
事落花流水感時光波添秋氣潮聲壯樓籬江心月
色涼此時昔年文物地荒城疎樹惱人腸

錦繡山前錦繡堆江楓掩映古城隈丁東何處秋砧
苦款乃一聲漁艇回老樹倚巖綠薜荔斷碑橫草惹
萋萋凭欄無語傷前事月色波聲總是哀

登大同樓

大同波上大同樓無恨雲山散不收楓落涇江秋水
冷霜清箕堞暮烟浮白鷗洲畔月千里黃葦渡頭風

滿舟因憶昔年興慶事登高一望思悠悠

大同館

倪謙

平壤漢玄菟邑山建城郭居民夾城住星散皆村落
奉 詔抵近郭出迎動鼓樂龍亭覆黃繖儀仗高擎
握沁道陳百戲顛倒互觝角彩輿向前導搖曳爭歡
躍更有大字書旗幡半空卓上書何所云大平事耕
鑿鼉兩山相倚工巧勞結縛伶人競歌舞權呼振家
廓士女億萬計走視笑且愕借問此誰為觀察使韓
確下馬入館門冠帶焦僚幕再拜仍稽顙禮儀忻卒
度為使期不辱眩譎非我樂但令海東涯常戴皇恩

大同江

大同江水潤凍合似鋪瓊迤迤連連通以紫面近鏡城
不於行處滑惟畏裂時聲涉岸皆平壤川名喜穩音

大同門樓

大同江上見樓臺門鎖荒烟畫不開飛棟入雲星可
插虛窓近水月先來山羅屏障陰相合樹隱蒼龍臺
作筆憑尺無由一登覽更言海外訪蓬萊

大同江

宋鑑

天香閣主人可也送客樓船渡口松綠水青山塔入

畫開花野草不知名
華處要遺還
遺教桂棹先教
幾行肯為留
連淹使節
一鞭又逐馬蹄輕

淳碧樓

薰風從倚夕陽樓
水浸嵐光帶翠流
草木都含天地
澤江山不盡古今愁
心懸上國勞清夢
身在他鄉說壯遊
回首明朝便陳迹
雲朝母惜重淹留

陳嘉猷

轟轟江樓十二闌
一尊賓主共開顏
雲房僧定推心
淨石洞仙歸鶴背
閑酒散人登青雀
無潮回鷗鷺
沙灣佳山勝水遊
將流別後能無學
往還

大同館

鷗從紅雲出曉城
流車咫尺一江橫
錦筵酒勸中朝
使英篇詩留內翰
名遠水疑從銀漢落
絲舟如在畫
窗行風光區可供吟興
何用樽前舞袖輕

大同館

金 吳

四柱日驅馳
駸駸抵平壤
朝鮮舊封土
規制頗宏敞
青山半村市
遐睇入莽蒼
居民聯部屋
出饒具朝餽
聞詔從天來
養行玄瞻仰
駢肩夾周道
迎樂會
學館門候衣帶
拜拜至稽顙
東瀛素秉禮
茲焉可
嘉皇恩
海內外億萬永宣朗

大同江

誰高如屋雨如拳人在江頭泊畫船咫尺樓臺飛一
二學宮詩酒橫相送使客路三千里笑作浮生五
五五安得魚龍齊起躍掃開雲霧看青天

張寧

五葉孤城幾曉裝畫船請鼓應春陽鳥邊雲盡青山
出渡口潮通碧海長共喜皇仁同大地不知身在是
他鄉清博且莫類相勸四牡東風路渺茫

浮碧樓

江流綠淨春無底地接龍葱散春木輪困廢氣吹初

散十二彫欄晃若洗空明倒浸蔚藍天煥香半落靡
蕪渚綠雲淺淡翠烟沉人在琉璃鏡光裏清城仙客
還從東袖携紫玉登蒼虹左招浮邱右關尹酒酣擊
鼓馮夷宮馮夷醉卧呼不醒滿屋蛟珠散衣冷明朝
回望舊遊人一片江上夢中景

自註使還平壤蕪浮碧樓因即命名之意

故溫李體為短詞以記興云耳

大同江

高閏

上國頒明詔遐方接近臣畫船斜渡遠高宴淺斟頗
岸柳和烟暗江花帶雨新眼者題詠者俱是濟川人
不用紅粧用畫船棹歌聲裏酒盃傳青山直到江邊

畫兩岸風吹楊柳烟

浮碧樓

九天飛下一凭欄水色山光咲笑顏坐久只嫌啼鳥
緩興窮猶戀白雲閑風吹僧磬來幽檻潮送漁舟過
別灣爭道人如呂仙子醉乘黃鶴朗吟還

滿地烟霞僧寺數尋雞犬人家彷彿桃源路近流水
浮來落花

張璠

大同江上百尺樓樓樓前江水年年流天吳睡足碧綃
冷起駕蒼虬樓外此遊翠旗搖搖拂雲霧草樹芬芳更

回互畫欄屈曲珠簾深清影重重散還布廣陵狂客
天邊來羅衣舊染蟾宮槐手把玻璃瓶呼取葡萄醅
天吳天吳莫相訝會須一飲三百盃酒酣試縱管城
兔風雨淒其鬼神怒天吳奔走不可招笑指青山問
歸路

一碧浮空去不還誰收佳景畫樓間琅玕色映泓流
樹翡翠光涵隔岸山鏡裏雲霞開弄影空中日月自
循環莫教仙子凌波去留與詩人解醉顏

渡大同江朴判書金觀察設宴別請詩留舟中即
席書與

巖老東風得放拳，儘來江上阻行船。
浪花噴雪真堪懼，竹葉浮香且漫傳。
醉去只言春似海，愁來還恐夜如年。
韓公已矣憑誰訟，聊賦新詩記別筵。

浮碧樓

郝順

畫欄朱棟瞰深清，山勢回環兩岸平。
萬頃寒光浮不去，一簾飛翠捲還生。
晴川芳草難為句，野渡孤舟易感情。
兩部戲遊今寂寞，獨留佳景壯西京。

大同江

涓水蒼茫繞古城，隔江遙見碧山橫。
安東都護空陳迹，破虜將軍謾有名。
對景不妨隨處樂，泛舟聊當賞

春行留題，拚是中朝使，應有邦人識重輕。

樓船清曉送行裝，雲淡風輕日載陽。
綠蟻滿浮金盞，艷碧鱗爭獻玉梭。
長雲山伴我，添詩興，蕭鼓催人到醉鄉。
笑問涓江何處盡，扶桑東去路微茫。

浮碧樓前兩度過，煌煌龍節照江沱。
日輪穿動浪花碎，雨脚積來嵐氣多。
惟石槎牙撐砥柱，靈源迢遞接銀河。
前朝爭職無窮恨，都逐春風入棹歌。

高吟恐驚水底龍，促席緩酌何從容。
樓舡蕩槳起烟浪，疑是米家書畫舫。
沙頭對立雙鷺鶻，驚飛直傍雲山過。
主人愛客事遠迎，錦筵吹徹雲和笙。
江醅滿泛

春葡萄醉者兩頰生紅桃魯城山色連雲烟就中綽
約多神仙追隨無路空大笑學仙不似還家好九重
深處光明宮環珮亦與羣仙同人生天地任去留肯
甘海外違中州感君瀛洲塵九斛却愧臨歧酬未得
明朝別去天渺茫馬前送路多羊腸相思一夜頭堪
白鳳凰山高鴨江綠

平壤懷古

張瑾

朝鮮有國臨東海箕子封來幾千載就中平壤是雄
都昔時形勝今猶在岡巒紆鬱田野平樓臺雄傑空
中橫秦初遠作遼東徵漢末新傳王儉城何年併入

扶餘裔復自九都遷此地沃沮濊貊紛來歸渺渺東
西六千里隋兵三舉空擾攘可堪秘記符唐皇金山
得捷薛仁貴沮水成功蘇定方振衰繼絕不旋踵五
代之餘遭有宋玄菟樂浪息紛爭使介聯翩奉朝貢
崇岳遷都久已成長安舊治名西京魯陽城古人非
昔馬邑峰高地有靈胡元不道圖吞併分疆直抵慈
悲嶺西京內屬將百年贏得醒風汗邊境 聖明德
化覃八區樂天字小古所無鴨江東畔長安道還入
朝鮮舊版圖居民熙熙事耕鑿女解蚕桑士知學中
華氣習漸染漾文物衣冠宛相若使臣奉 詔天上

來登高覽勝襟懷開不須弔古重惆悵寫景新詩聊
爾裁

大同江

春雪消時江水滿春日舒長夜初短忘機唯有江上
鷗春來春去都不管我回奉使來海東陽春到處皆
春融自是皇恩覃萬物眼前花鳥盡從容

浮碧樓

畫船泛罷又登樓樓外江山景倍幽鳥帶烟光橫水
面日浮彩色上窓頭一樽酒盡情無已七字吟成興
不休醉倚欄干望歸鴈數行書寄慰親愁

危樓百尺倚江風隔絳飛塵十丈紅鴈帶烟光橫塞
外日浮霞彩上窓東百篇詩賦襟懷豁萬壑雲烟眼
界空醉拍欄干望西北五雲凝處是宸宮

董越

傑棟層簷出薜蘿凭高一望意何多遠峰秀聳郎官
筆斷崖斜穿織女梭江雨灑寒來樹杪嶺雲分暝落
巖阿悠悠不盡登臨興又上蘭舟聽棹歌

穿雲尋石磴衝雨上高寒樹色凌飛翼江聲入畫欄
誰教風力峻自覺酒腸寬黃鶴磯邊意分明付大觀

大同江

曉風吹上木蘭舟倚棹停盃看碧流汀樹帶烟迷渡
口漁蓑衝雨傍磯頭水盤膾斫銀絲細石鼎茶翻雪
浪浮已遣前驅戒行李一尊仍為主人留
樓船重泛出通津細細晴波漾翅塵翠柳嫩搖絲袅
娜青山倒浸碧嶼向壺觴又勸歸來客詩句難留過
去春却訝鳧鷖似相識水濱沙渚往來頻
晴日鷗波好放船正逢江岸柳飛綿壺傾綠酒田青
眼盤出清水碎老拳沙脚蒲芽抽白嫩波心魚網躍
鱗鮮臨流愛看春山色不覺令人坐屢遷

浮碧樓

王敬

山閣凌空起孤雲挾雨飛好花臨驛路小艇占漁磯
石磴斜通郭烟村半掩扉主人留客意薄暮肯言歸
輕陰時作暝斷岸且維舟不意皇華使真成赤壁
遊江山供老眼盃盞散春愁花柳如相待東歸盡日
留

謁檀君廟

南孝溫

檀君生我青邱衆教我彝倫洎水邊採藥阿斯今萬
世至今人記戊辰年

大同江

安平大君瑢

弭節春遊別有情舟船行處午鷄鳴
洎江設險真天

造羸馬由來不渡澗

趙鑰

日斜風起浪紋多
濯錦佳兒隔岸歌
莫謂君門千里遠
一江清興亦息波

次正使董公泛大同江韻

申從漢

平蕪淡淡接烟津
鏡面澄澄絕點塵
酒影暖涵金沆瀣
山光晴侵玉嶙峋
四千里路將歸客
九十韶光欲暮春
別後相思渺空澗
天涯莫惜寄書頻

李德崇

了髻雙鬟嬌意多
舟中曾聽踏春歌
重遊未遂尋芳約

約孤負西湖月似波

暖雲芳草興何多
隔岸嘗聞款乃歌
却恐明朝風雨惡
江中莫遣早生波

風月樓

盧公弼

薔薇花發續殘春
風月樓高絕點塵
爛醉欲歸歸不得
滿池明月更留人

浮碧樓


李龜

老樹陰陰陰蒼苔
日晚江山翠靄開
數點輕鷗橫島去
一天疎雨渡江來
暖沙水濺潮初落
古寺扉關僧未回
往事只憑千歲塔
行箴付與謫仙盃

平壤志選二

平壤志選二

二



國家圖書館, NATIONAL CENTRAL LIBRARY, TAIWAN, R.O.C.

平壤志選二

詩

密臺賞春

曹偉

荒臺峨峨錦綉山
斷岸丰絕臨江灣
一夜東風花似錦
烟光草色春斑斑
流光曷曷如飛鳥
滿眼韶華十分好
明朝携酒擬重尋
却恐花殘春已老

浮碧翫月

半空高棟翔虹霓
俯瞰大野羣山低
憑欄正值桂輪上
到浸萬頃青玻瓈
空明上下漾寒碧
金影閃閃蘆花白
夜深不禁風露寒
更喚飛仙吹鐵笛

永明尋僧

江雲黯黯如抹漆，雪花滿地深沒膝。騎驢曉出長慶門，石磴路滑驢頻叱。古寺居僧尚掩扃，隔牆冉冉茶烟青。呼僧談笑共煨芋，坐久風來聞塔鈴。

普通送客

紅樓高壓綠楊路，遊絲落絮飛無數。朝來一雨濕輕塵，燕舞鶯啼春正暮。日邊何處是神京，駢駢四牡催嚴程。一尊酒盡各分袂，陽關三疊斷腸聲。

車門泛舟

城南咫尺古渡頭，江水澄澄如潑油。潦水天高積陰散，風烟澹澹橫素秋。試泛扁舟並灘瀨，滿耳江聲聽澎湃。酒酣相答欵乃歌，白鷗飛沒蒼茫外。

蓮堂聽雨

石甃方池深更深，萬朵亭亭爛相映。靚粧曉日鬪嬌燒，翠蓋紅雲搖綠鏡。寶閣十二樓上頭，細簾捲上珊瑚鈎。嘈嘈雨點聒醉夢，忽驚六月涼如秋。

龍山晚翠

連巒迤邐如盤龍，絕壑窈窕深幾重。嵯峨黛色更奇絕，畫中描出金芙蓉。半邊帶雨歸雲黑，雲盡蒼蒼蒼數峰。立晚來拄頤，爽氣多已覺。霏霏嵐翠濕。

馬灘春漲

涇江日夜流滔滔春來染出碧蒲萄雪消流漸幾篙
漲奔灘怒薄崩洪濤鴛鴦師絕叫不得榜一葉輕舟迷
所向乘流一瞥過酒巖桂橈穩泛桃花浪

密臺賞春

成覿

雲開錦繡山光濃牡丹紫翠環重峰臺空石老荒蘚
合仙子一去尋無蹤東風幻出韶機早爛漫群紅復
芳草都人絲管競良辰酒酣齊唱春光好

浮碧翫月

彩暈波翼紅崢嶸上下倒影搖空明姮娥敲揚玉斧
手十二^日欄曲凝瑤瓊桂花紛紛落香雪散作清輝照
飢骨洞簫聲斷江雲空起瀉黃流雙耳熱

永明尋僧

江頭寒雲橫素練滕六吹弄瑤花片蹇驢偏側石徑
高素門親訪維摩面茶餅細作蚯蚓號者經夜燭紅
流膏鬢絲禪榻風颼颼夜闌共作蒼松濤

普通送客

城西一路平如砥挾路垂楊連十里裊裊黃金萬縷
絲不繫春風遠遊子輕塵不起微雨過幽燕回首愁
雲多攀裾把酒不忍去旁人更唱驪駒歌

車門泛舟

南湖流水晴漣漪，淡粧濃抹如西施。
蘭橈桂棹揚素波，水中倒影千蛾眉。
笳鼓哀吟碧雲暮，白鷗驚蕩春風羽。
壺觴古今幾人遊，腸斷沙頭芳草路。

蓮塘聽雨

玉井荷花香婀娜，紅雲蘸鏡嬌將顛。
風吹雨翻翠蓋無數明珠跳，萬朶水晶簾動生微涼。
畫屏銀燭新秋光，巫山夢斷忽驚起。
寶瑟彈和雙鷺鴛。

龍山晚翠

長空澹澹浮晴嵐，連巒疊嶂濃於藍。
芙蓉暖翠晚逾好，行人矯首停遊駮。
斜陽潏灩紅欲死，丹楓翻鴉水雲裏。
若為喚倩摩詰手，盡描清景移屏紙。

馬灘春漲

春江流漸半篙漲，拍岸奔迸桃花浪。
漁人爭唱竹枝詞，傲睨滄溟刺輕舫。
船頭鯉魚吹菱花，釣絲裊裊隨風斜。
得魚沽酒不計錢，往輸歌吹紅樓家。

大同江

李陸

臨流飲酒不辭多，天地其如浩浩歌。
細雨芳洲尋有處，水仙無若更凌波。

江天日暮水光多，畫鷁時聞皓齒歌。
南浦幾人方送

客明朝又見漲新波

晚泛空明浩氣多江山應響數聲歌一湖更有西施
羨滿面粧成十里波

大同江舟中

李 蔭

潮頭初見小艇回知是漁人罷釣來忽有天邊秋雨
過一樓形勝入停杯

柳順汀

溪橋小路面潮回訪舊尋幽古寺來一雨催詩過江
去剩收秋氣入深杯

權仁杰

登臨盡日便忘回風滿江樓山雨來堪笑顛狂先醉
卧一身萬里別離杯

成夢井

落日江樓客未回萬山秋意雨初來華筵一罷便陳
迹欲瀉黃金三百杯

尹龜壽

乘興高樓晚未回一江風雨滿空來憑欄更把紅裙
醉坐待黃昏月入杯

練光亭

李 荇

涓水東奔不復西奇巖終古作全堤經營已被高人

識模寫仍煩大手題浮碧與茲名并重落霞從此價
還低亭前萬景清如許洗盡行塵未有泥

鄭士龍

華構曰巖架水西捍江頑骨却成堤開亭勝事誰經
始作記仙才自品題寒漲縮冰沙背豎尖風聳膊帽
蒼低登臨未禁歸心迫鴻迹他年付雪泥

蘇世讓

庭前徙倚日斜西亭下溶溶水拍堤止老當年初揭
號容齋此日更留題江從白鳥飛邊淨天向平蕪盡
處低十載宦遊雙鬢負改臨流思濯滿衣泥

崔世節

紅亭鳥草大江西芳草垂楊十里堤遠岫微茫來望
眼平蕪迢遞入新題興亡舊部民何在遊賞今宵月
欲低塵世百年真一瞥悲歡合付醉如泥

成世昌

華亭高構涇江邊春晚烟花滿眼前為客不堪傷往
事倚欄猶覺聳吟肩朱甍影裏魚吹浪綠柳陰中人
喚船腸斷一聲何處笛夕陽驚起白鷗眠

平壤登眺

唐 臯

我過鴨綠江十日到平壤朝鮮此西京箕子有遺響

城南臨澗水亭臺足幽賞快我時一登餘者歸指掌
詰朝踏水過兼旬迄來往解伴政府僚襟度本開爽
為我示遊期預戒勿諠攘察使勞將迎小酌同畫舫
領吏就被岸入城駕復在始登練光亭撫榻坐弘敞
德巖在其下綠崖多灌莽斯亭據高顛跬步俯深廣
飄飄曳飛練詎可計十丈寒冰全未融耀日增炫晃
漁舟鞋底小三三復兩兩遊鱗出深潛巨細或羅網
登臨興方濃浮碧動遐想驅車出東門銳意極搜訪
朝天有巨石昕夕水蕩漾行行梯乙密高樓見標榜
北枕錦繡山茲山獨雄長一洲界雙溪燕尾頰相倣

茅屋依沙汀漁歌聲慨慷主人戒範樽我日留羊餉
薄暮山下去心目俱融朗茲遊得奇觀歸以詆吾黨

錦繡山

布帛已足貴文彩歸錦繡東風作春妍郊行亦明晝

牡丹峰

牡丹有仙峰雄峙此邦鎮我來浮碧樓凌顛興未盡

大同江

涓江夫何如一帶浮紺碧舟中輕往來鱗介多未識

德巖

可是巖納水要使水回石城郭無憂虞居民盡歸德

酒巖

酒池覆商宗遺恨此中洩所貴相君正傳巖有麴蘖
綾羅島

芳洲十餘里綾羅爛成島豈無父母心為民作襁褓

白銀灘

江水浩浩去茲灘浮白銀無乃守國禁棄捐四通津

麒麟窟

東明有良馬云是行天麟麟趾尚有跡公族今幾人

朝天石

人仙馬亦仙水去石不去至今馬跡存父老指遺處

井田遺制

曉出城南門九一見形制秦令如牛毛阡陌猶不廢

乙密臺

崔嵬錦繡山有臺名乙密俯瞰深巖中疑是龜鼉室

練光亭

一川淨如練斯亭涵川光往來放舟人都在水雲鄉

快哉亭

幽亭侯賓館清風有時來試看滌煩暑此景殊快哉

風月樓

樓前開蓮池尋常足風月我當雪霽來景致復奇絕

浮碧樓

高樓俯晴碧正據乙密臺間時少輪蹄明月自去來
箕子墓

一逕入松林歇馬拜墓臺高山夙仰止使節今初來
文廟

東方重文教遙遙洙泗波王祀擬中華崇報諒亦多
檀君祠

開國何茫然朝鮮此鼻祖荆棘非剪除伊誰樂東土
箕子祠

崇祠近檀君春秋擊牛豕八條今幾存東國尊化理

東明王祠

東明雄三韓仙逝世代久叢祠在西京有人酌雞酒
德巖

史道

巖起江流衝城無江水厄安土數千年人以巖為德
文廟

乘桴本虛語遺教還東漸我來接諸僎衣能效前檐
檀君祠

檀君何所始聞說始於堯去今四千載遺廟在山椒
箕子祠

化鶴幾千秋歲時享邊豆人民半是非城郭尚依舊

東明王祠

高麗始有國王號留東明要知德厚薄專祠在西京
白銀灘

市買盡禁銀誰令滿前灘貧夫休作態只好水中看
錦繡山

山石多五色花才更交加樵子穿雲去分明入彩霞
牡丹峰

聞道牡丹峰牡丹花已老莫恨峰無花峰名亦自好
酒巖

何日巖流酒巖中有酒神至今流不盡平壤多醉人

乙密亭

錦繡山上頭一臺平如掌恐有天上仙乘風時來往
風月樓

清風無定期明月誰能擾風動荷香飛月轉樓陰倒
練光亭

長江白練拖亭子倒江面波搖日月光煌煌飛玉電
朝天石

當日朝天事傳來理謬幽獨有江邊石至今馬蹄留
麒麟窟

騎馬朝天去茫茫未可回後人看此窟猶似馬出來

井田

制殿井畫存我見生感慨井上有人家不知井內外
大同江

江水傍城郭流入斷山去乘槎欲尋源不知在何處
快哉亭

解去風塵後忽到此亭來懷共雙眸豁如何不快哉
浮碧樓

樓倚錦繡山面俯沮江水浮影碧波中朱欄落鏡裏
綾羅島

既有錦繡山更看綾羅島東人戒驕誇衣裳多素縞
登浮碧樓

浮碧來遊日星輶西去時山光添好色江水正如澌
沙岸荒村暮雲山過鳥遲歸猶興未已短句記遐思
練光亭

練光初上德巖亭睇遠憑高雙眼青山向簷前常擁
翠人從鏡裏靜揚舲冰融我亦樓船過日暮誰能蓋
軫停歸路忽忽難盡興他時羸取記曾經

我問江中水如何徹底清來時識面過歸日見心明
氣轉冰隨泮風和舟自平山川能愛客為解主人情

浮碧樓

柳仁貴

錦纜徐牽泊近洲更携春酒上江樓滿城烟景真堪
畫誰起重泉顧虎頭

尹殷弼

金碧高低壓上顛危巖玉壘俯清川人從嵐壁尋幽
磬鳥沒藤蘿破暝烟刺刺游魚爭入網娟娟嘉客似
登仙英雄千古紛華地共把深盃意惘然

沈彥光

練光浮碧俯江流流水無情抱二樓松櫟依依城郭
古英雄寂寂姓名留瑤笙縹緲吹三島仙鶴飄飄過
十洲也識君恩隨處足百年茲地一奇遊

柳希齡

今古消沉只此樓西京往事付東流天邊驟雨驅雲
脚洲上殘暉落水頭滿耳笙歌吟更聒關心瑣屑醉
來休福星請照留金地濯盡長途觸熱愁

趙士秀

城外長江凝不流江邊危石起朱樓麒麟窟古麟何
去錦繡山青錦獨留激浪得風喧極浦歸鴉背日度
芳洲箇中最是描詩處人在木蘭舟上遊

快哉亭

李思鈞

神物千年已化梭江山輸與飲無何亭臨野迥天全

落水割波馳岸盡斜安相重營游刃巧洪君增制策
勲多蘇仙快閣名真副更著秋霄月裏娥

次登眺韻

龔用卿

守株與壯遊所見何霄壤多聞遍足跡史遷有遺響
西京萃佳勝芳草正堪賞溪山當馬前歷歷如指掌
昔人歌舞地回首驚已往我來及暮春風烟更森爽
館伴知我心開筵息勞攘依岸柳陰中青簾列畫舫
黃門同我行命車一相在巍巍孔子祠廟庭赫弘敞
挹灑泛晴瀾練光闌榛莽灘浪浮白銀德巖峙高廣
浩浩大同江流沫數千丈樓臺浮天碧牧丹耀日晃

兜山與檀君一望歸羅網更上快哉亭默默起清想
井田有遺制懷古窮探訪飲酒石巖下渺渺綠波漾
丹梯登乙密風月動漁榜朝天石麒麟萬皇誰爭長
芳島綾羅文晴山錦綉傲拭目箕子祠搜心生慨慷
歷覽意不盡對景開尊餉茲行良不負意氣實軒朗
燈前裁短歌聊以示明賞

練光亭

城上高亭俯碧江茫茫烟艇列千艘游魚出水紛無
數白鳥晴沙下一雙石壁橫雲搖遠樹海風吹浪入
寒窓浮金沉碧真如練一望層霄盡海邦

宿大同館

平壤古都留巨鎮村墟榛莽半人家一江烟水開城郭十里松陰覆苑沙王國尚聞連海嶠客途幾欲遍天涯仲春已破暮春至又見橋頭飛柳花

登詠歸樓晚遇微雨

浴沂正及暮春時向西湖泛綠漪風捲浪花浮白雪雨翻楊柳散清絲殘紅映水澄江色返照侵簾入酒卮煙景滿懷無住著不妨江關詠歸遲

浮碧樓

縹緲孤亭俯碧灣層巒空翠泛晴瀾清尊白日松花

老滾滾江聲隱畫欄

無數輕鷗泛碧湍浮嵐高並畫樓寒採芝何處尋仙子閑看鷓鴣滿石灘

銀河東下綠波深烟艇微茫繫柳陰晚上高樓亂春色流燈點點在江心

已有青山出時來白鷺翔浮雲連樹色旭日動江光漁艇凌波亂巖花入座香隔村數節屋隱隱映垂楊潮滿皆連浦樓高不礙雲纜牽青雀渡波動白鷗群碧練浮天外朱甍接水濱憑欄凝睇處烟霧正繽紛

大同江

郭外林園屋亭濱水向城嶺雲頭上黑江樹眼中明
隱浪傳杯遠凌風舞袖輕浦鷗似相識容易往來迎
樓船百丈繫城東渺渺滄波侵碧空蕭鼓中流飛燕
雀中祀半壁驚魚龍青簾布幕浮晴浪畫船雕欄對
雪峰萬里乘槎共天遠此身如在畫圖中
路出通津涇水東海門高浪泛晴空遙巖欲近天邊
鶴曉日時吟水底龍波撼鷗溟分萬派氣蒸鷺背走
群峰紛紛戰鬪前朝事都在江流一鏡中

望月亭

緩步循廣除清輝射綺疏明蟾掛山角花影散扶疎

亭子傍山隈雲光夜夜開層簷非近水為有月明來
高館敞虛亭山光割昏曉醉來時一登頂樹驚山鳥
德巖

巨石捍江流江水折而東居民免魚鱉咸歸保障功
酒巖

巖以酒為名我來夫何有疑是武陵津仙家泛春酒
白銀灘

灘水激清流浪花白如銀夜潮春雨過渺渺澗無津

錦繡山

晴日紫霞明春山開錦繡色映錦袍鮮大馬行春畫

乙密臺

山顛乙密臺高敞披草萊玉露擎仙掌時聞笙鶴來
牧丹峰

平開玉井蓮秀出牧丹朶我值花開時望峰鼓江舸
浮碧樓

碧瓦蕩銀河朱甍照漢水倒影侵樓臺人在畫圖裡
練光亭

白練橫晴漢烟光淨一川危亭天上坐彷彿欲登仙
井田遺制

南郭分阡陌田區畫井中至今平壤民猶識商家風

朝天石

朝天往何處突兀聳蒼背山雨欲平時分明響霞佩
風月樓

風月滿高樓主人與不流坐待荷花池流雲出高巖
麒麟窟

養馬不在厩乃在滄江濱更無渥洼種惟有石麒麟
綾羅島

芳島縈綾羅楫此佳山水欲借并州刀裁為雲錦綺
快哉亭

快心不常得獨喜快哉亭一笑山月孤茫茫雲水清

大同江

江流日向東一望連天碧
仙槎渺何處海水來朝夕
挹灑樓

層崖跨江城灑光挹清灑
渺渺凌紫霄空中見蓬島
文廟

東方守文教敬道崇廟祭
皇化三信風漸摩知所效
檀君

檀君開國土誅茅樹區宇
至今邦之人稱爲朝鮮祖
箕子墓

青山芳綠苔封壤築高臺
使車一瞻拜蕭瑟悲風來

箕子祠

古廟蔓藤蘿屹立檀君右
丹青儼如故春秋薦椒酒

東明王祠

東明開高麗故都在平壤
廟貌如何年至今猶祀享

大同館

吳希孟

星輶清曉正駢駢風引龍章上
翠微護節鼓隨邊月
動瞻天心透寒鴻飛唐宗戰處
寒烟冷燭帝行宮古
木稀一路山川堪吊古馬蹄隨步
泥清暉

浮碧樓

一江環四郭百尺起層樓
水色雲疑入簾光雨欲流

龜鼉時出沒荇藻自沉浮萬嶺懸清樹千波擁石洲
奇峰隨座對亂艇倚欄收草霧逢巖合泉琴入澗稠
魚燈搖浪裏松韻響山頭梯上橫霧跡簷邊雜鳥啾
江歸三日海流順幾千秋不盡吹嘯興真成秉燭遊
渺渺憑高處淒淒碧影還春陰生巨壑雲氣度前山
翠靄浮虛檻寒光起暮灣停驂瞻北極萬里欲飛攀
風月樓

清賞宜四時吟風還弄月倒影錦蓮池秋波綠塵絕
浮碧樓

危簷控江起碧影浮亭臺悠悠同江潮暮去朝復來

練光亭

長江如拖練亭上集明光俯瞰憑欄處幽幽非世鄉

錦綉峰

曉峰落同江萬頃波紋綉漾滅押青霄綺苑當春畫

牧丹峰

造化鼓地靈瑤花產雄鎮對此牧丹峰幽香襲不盡

綾羅島

青翠雲霞開古名綾羅島綾羅難剪裁空為石上樑

德巖

可濯斯滄浪可翫斯巖石由來民物康保障仰仁德

酒巖

酒池為所傾酒巖何為洩斯跡顧云美佐須投栢葉
乘碧亭

江色涵澄碧烟槎架浪浮登龍豁巨眼三醉洞庭秋
挹灑樓

萬頃泛江沱層樓浮碧波端供雲烟接清光散綠柯
白銀灘

茫茫浩江波翻空白如銀獨有滄浪叟貪心付斯津
麒麟窟

麒麟何所有此窟藏麒麟當時旣馬名遺跡傳今人

朝天石

當年馬跡存古石猶不去風度琅玕聲渾似鳴鸞處
井田

生平慕周官此地如周制幽幽城南間規畫猶不廢
乙密臺

躋眺羨斯臺瑤草白叢密卜築峰之顛幽然接瓊室
文廟

駐節然文廟鱗衣映泗波東藩崇教祀應識聖恩多
箕子墓

道骨埋荒塚寒泉繞石臺松風清夜響應識度魂來

檀君祠

神宇覆松蘿修誠祀藩祖肇彼唐堯時此君始封土
箕子祠


東國仰封澤春秋享牢豕外王八條治內聖九疇理
東明王祠

吊古一登臺東明逝已久初生此邦民宜酌延遠酒
快哉亭

登臨恍塵外猶似洞天來壯景不能悉乾坤一快哉
華察

水色分明濯錦江誰將匹練繫虛巖仙人黃鶴知何
許野老白鷗空自饒漁笛一聲歸極浦風帆乍落
晴窓皇家慶澤寬如海頻送恩波及遠邦

平糶誌



111

平壤志選三

詩

練光亭

薛廷寵

練光亭下大同江落日江頭放釣艫
翠嶺倒流還疊疊黃鶯隔岸自雙雙
光搖河漢乘浮棟波隱魚龍欲
動窓林館樓臺多氣色天涯猶見此名邦

大同江舟中

林亨秀

江上東風送畫船
隱天蕭鼓起龍眠
樓臺十里開靈境
珠翠千行逐水仙
客裏光陰愁欲老
天涯詩酒興相牽
憑君莫說興亡事
東海桑田問幾遷

蘇世讓

水拍長干繫綠船
管聲驚鳥破白鷗
眠關西老将心先
醉漢北遊人骨欲
仙剩有歡情窮踐勝
幾回歸袂動
遭牽江山如許終陳
迹頷向高樓席更遷

申光漢

大同江上泛樓船
誰遣紅粧對醉眠
還有世間如此
地若非蓬島是何仙
撐篙莫教羅裙濕
緩棹猶須錦
纜牽
追憶舊遊還似夢
白頭空歎歲時遷

崔演

半日留連倚畫船
遠簫長笛起鷗眠
樽開琥珀看如
海人在蓬瀛望若仙
陶寫風懷詩興動
驅除羈恨酒
情牽明朝此會成
陳迹
世事從來易變遷

嚴昕

清江鼓角擁樓船
徹骨清風冷不眠
遠客自傷頻節
序傍人却訝是神仙
長吟苦被詩情惱
欲去還遭酒
興牽落日
前峯無限好
何妨隨處座成遷

浮碧樓

極目長洲盡色青
烟波無限故鄉情
朝天石在人何
處
浮碧樓空月獨明
故國千年離黍恨
江城一曲落
梅聲
憑欄不用頻懷古
愁緒多端種種生

三
三
斷逕斜連鐵壁青
倦遊憐我十年情
微茫遠水鷗邊
淨縹緲遙岑鳥外明
渡口雲橫朝暮態
城頭潮打古今聲
興亡滾滾憑誰問
醉後無端感慨生

蘇世讓

申光漢

江水悠悠江草青
登臨二十九年情
春坊舊曲聞塵
代古寺微鐘記永明
帆映遠山歸極浦
浪衝危石送寒聲
繡峯羅鳥華奢地
開到繁絳花意自生

崔演

極目郊原盡放青
登樓隨處有詩情
千尋疊嶂抽菴
立萬斛方舟畫鷁明
烟簾柳絲縈舞袖
風傳灘響雜歌聲
百年興廢還多感
忽覺新愁為暗生

林亨秀

萬頃澄波一望青
孤舟芳草感離情
荒苔謾合麒麟
綠片月長臨錦繡
明楊柳風烟迷酒旆
樓臺絃管雜江聲
汀洲日暮鳥飛盡
野渡無人潮自生
雲霞萬古永明寺
風月千秋浮碧樓
百變興亡問無
處一區山水擬丹邱
烟花况復逢佳節
詩酒何妨作勝遊
日落滄洲復秉燭
此身元自等浮漚

蘇世讓

山勢盤迴樹影稠烟雲千古護江樓桃花浪漲環孤
嶼楊柳陰多隔斷邱仙子有時吹笛過美人何處惜
春遊天涯悵望芳菲節始覺羈蹤水上漚

長江不盡水悠悠白首重來更倚樓今日風流還入
眼昔年羅綺已成邱聊憑從事吟新句欲向丁仙說
舊遊城郭不殊人事異存亡須信海中漚無示迎慰使丁公

崔演

懷鄉戀闕意悠悠遠客尋春上畫樓不改江山成
萬古多情雲物勝三邱地分淨界留清賞天與高人
辦壯遊佳會明朝忙聚散謾悲身世似浮漚

嚴昕

長安南望路悠悠遠客多情久倚樓三月烟花渾異
境百年征戰但荒邱風流落魄繁華地笙鶴依稀汗
漫遊千里相逢還此別眼者身世一浮漚

練光亭

鄭士龍

萬象供奇集座隅天公餉我百年無輕雷忽送風和
雨更借營邱水墨圖

普通院

西行遙邁北來迂恨水橫分大小殊萬古箕都離別
苦二流如帶與之俱

閱雲亭

青林粉堞漫平潮勝士聯倫古亦無當日分留多物
色夢中春草興難孤楊士彥楊士俊
連除大同察訪

牧丹峯

萬仞層巔乙密臺共將謝屐躡崖苔平看亂樹千家
暮俯視長洲一帶回浩浩機關藏處大茫茫興廢眼
中來深林雄辯商今古一不覺心骨頓豁開

詠歸樓

柳陰江路撲綿飛乘興登樓俯碧漪潮近海來沉別
浦雨拖虹過灑餘絲風尖透幌消殘醉水氣欺人引

滿庖好古儒仙尋九一却參形制得歸遲

快哉亭

龍其用卿

快哉亭近碧山頭浪跡于今說勝遊極目蒼葭滿城
郭可人烟水傍林邱新蒲出水直如劍初月懸雲曲
似鈎歌罷仙瑷春露冷一聲歸鶴過江洲

薛廷寵

印着青杏結枝頭荏苒風光過江遊應有歸心懸鳳
闕暫拚詩興傍雲邱江門烟景浮青舫燕子簾籠捲
玉鈎初日錦袍乘一快他時夢落舊滄洲

鄭士龍

NATIONAL CENTRAL LIBRARY TAIWAN R.O.C

俯瞰魚鱗萬屋頭層霄嘯傲倚天遊陶雲捲苒橫拖
出謝練微茫曲抱邱荷蓋媚晴鋪鏡面槐陰分綠入
簾鈎亭顏得快遮樓堞不放吟眸眺遠洲

李希輔

突兀華亭碧樹頭清陰招我暫來遊千年古國餘殘
堞什一遺基只古邱大野長江輸酒興落霞孤鶩捲
詩鈎斜陽遠眺真成快芳草青連白鷺洲

趙仁奎

紅亭縹緲控城頭滿眼烟雲媚勝遊步遠直當凌鶴
背乘風終欲到蓬邱夢因懷古頓移枕簾為看山屢

上鈎平楚斜陽連十里迢迢歸思遠長洲

洪春卿

畫拱翬飛古郭頭碧城如倚曲檻遊樽開竹葉香侵
座風落楊花雪滿邱惱客野堂憎似錦窺恣破月愛
如鈎浪江西望微茫外鳥沒青山浪沒洲

朴忠元

華構平臨浪水頭曾隨仙侶極遨遊庭槐迎夏陰當
戶野麥宜秋浪沒邱驚座談鋒霏玉屑絕倫書法照
銀鈎眼前風物猶清快笙鶴茫茫隔十洲

次大同館韻

華察

聖王御極元無外四海車書捲一家已見烽烟銷戍
壘更聞聲教暨流沙江頭節使頻相送天上恩波正
未涯遙望翠華應返蹕夜來燈火喜生花

王欲誕遊方絳節出平壤華轍交平沙鐙鑿振清響
元良始正位萬國並延賞益道本無方推恩運諸掌
東土正陽回春風屆寒徃百卉枯復榮山林蕭以爽
物理數改移化工亦勞攘激石流清江依巖過清舫
武陵津可問瀛洲路非枉日月麗宮明亭宇豁弘敞
高情落雲漢壯志闢林莽訪古興未已平登高意以廣
朝鮮覓箕封蓬島窺方丈萬像何森四殿三光盡昭晃
徘徊啓天達偃仰忘世網回首望中華尊王起遐想
海濱有遺賢披榛試探訪地僻風景殊雲動天光漾
再陟乙密臺擬揭清虛榜幻化本虛無陰陽定消長
及時須有為慕古將安倣長嘯追風流擊節歌慨慷
王孫飲來宣士女封羊餉言語非支離衣冠亦高朗
六合同一家率土皆吾黨

德巖

中流砥玉柱江水還自東搃謂瞻依地寧知固國功
酒巖

山鳥逐人飛山花行處有醉心更盤桓不為巖中酒

白銀灘

銀漢本天上人問灘亦銀離離德星聚恍忽到天津
錦繡山

山花向春榮山色麗如繡寄語芻蕘者芥芥毋早晝
乙密臺

烟霞百尺臺東土小蓬萊仙人何處在千古不歸來
牧丹峰

南有芙蓉峰更見牧丹朵雲間入望來為爾一停舸
浮碧樓

寒江落空碧應是昆明水高樓俯清流雲影天光裏
練光亭

晴光幾十里危亭落淨川忽聞山環珮響疑有凌波仙
井田遺制

我聞千載上仁政九區中東土存遺制依然三代風
朝天石

平壤有奇峰巖巖出林背迎風發清音應是朝天佩
風月樓

畫棟憑虛空瑤池水清淺薰風天上来涼月出東嶽
麒麟窟

德教要荒外流洋江水濱聖人在中國無地不麒麟

綾羅島

危崖掛奇樹鳥啄露盤水雲靄半翠微相將結羅綺
快哉亭

壯志天邊客快心江上亭披襟一長嘯月白與風清

大同江

江水出崑崙雲光盪清碧川流本無心千古自潮汐

挹灝樓

江樓試覽眺江水何灝灝一鶴橫霄來乘風下別島

檀君祠

檀君昔分土東方聿脣宇永垂開國勲百世稱宗祖

箕子墓

春節封青苔短碣倚荒臺九原如可作清風百世來

箕子祠

敬瞻百世師如在吾左右忽憶殷三仁臨風再醜酒

東明王祠

朝鮮本舊封中興自平壤所以東明王千載專蒸享

用大同館韻

薛廷寵

使車萬里來茲土湖海襟期即當家吊古訪幽行半
嶺登城觀射到平沙未酬詩債留歸日無數風光僻
水涯為報南薰能愛客芰荷開放映洲花

德巖

大同直下鯨波吼巨壁當流障去東一柱乾坤開闢
宅龍門不用八年功

酒巖

天上酒星地酒泉酒巖之說其或有當年若遇李謫
仙不用金龜解沽酒

白銀灘

清波白石江心麗斗轉河斜浸素銀却惟桃花貪出
洞翻翻江雨欲迷津

錦繡山

天然翠黛芙蓉姿可柰春葩更錦繡紫霞紅日照波
明水府鮫人躍清晝

乙密臺

露冷天高月滿臺海中何處望蓬萊相傳浪說仙人
迹不見仙人跨海來

牡丹峰

姚黃魏紫休爭春秀出雲間竒朶朶妬遊風雨莫頻
來有客黃州泛仙舸

浮碧樓

江帶天光俱入樓客在樓中坐江水虛疑海

昇更恐身在蓬瀛裏

練光亭

天畔高亭近碧落銀河瀉練浮晴川五更日微牛
會况疑人世隣神仙

井田遺制

朝鮮元是商周國畫野分明井地中我亦過滕無適
魯荒區無處問遺風

朝天石

平臨北斗近洞霄稽首玉皇俯鰲背欲上峰頭望五
雲承明恍惚歸星佩

風月樓

清風到樓樓上涼明月浸池池水淺客來坐撫南薰
琴鈞簾八月對東巘

麒麟窟

當年東野紫車載淚落宣尼泗水濱神物正然人世
見海隅何處有麒麟

綾羅島

鮫人誤落絳霞綃散作綾羅照江水多情文彩雙鴛
鴦日日沙頭弄春綺

快哉亭

何處能逢開口笑大同城內快我亭長江一帶明如
練况值風烟四月清

大同江

城南小亭正練光城北危樓更浮碧孤舟來往者何
人江聲日夜奔潮汐

挹灝樓

東人愛水隨處樓浮碧練光更挹灝吾聞仙人好居
樓不知曾否來三島

檀君祠

檀君血食綿東土松木森森蔭祠宇三韓五都何紛

紛此是朝鮮第一祖

箕子墓

一種青山翳綠苔路人指點最高臺云是商家箕子
墓使車迢遞上山來

箕子祠

江城吊古訪箕祠下馬踟躕循階石松風忽忽作琴
聲怨恨分明語池酒

東明王祠

高麗開國東明王澤被東黎保封壤漆毫湖藻走傍
人知甬神靈永綏享

德巖

天崩河水漏淋漓蕩迷西方中流屹嵬石砥柱有奇功
酒巖

仙人鍊金丹羽化無何有鷄犬盡飛昇何獨遺酒巖
白銀灘

涉灘聽灘瀨灘名名白銀我家鶴灘上來此間迷津

錦繡山

春山披草木一望皆錦繡不怨秋雨來但願長清晝
乙密臺

仙人駕鶴去乙密久蕪菜風送長松影如疑人迹來

牡丹巖

巉峰鬱鬱天葩秀奇朵下映芙蓉花蕩搖在江舸
浮碧樓

葱蒨萬疊山玻璃一片水水影漾山光盡八層樓裏
練光亭

練光亭上作滿壁映長川解道澄江句令人憶謝仙
井田遺制

私田環其外公田在其中公私各有界何事有貪風
朝天石

跨石握麟鬚何如騎鶴背朝天萬國心長想凌風佩

風月樓

清風吹鶴來明月映沙淺高樓有佳人開襟當絕嘯
麒麟窟

白日匿陽谷春風吹海濱王孫何處去荒草卧麒麟
綾羅島

白銀爛灘瀨匹練拖江水小島名綾羅晴光絢霞綺
快哉亭

繚繞天涯客來遊江上亭塵心無所快槐樹午風清
大同江

江水日夜流江色淨於碧無數渡江人臨江候潮汐

挹瀨樓

大同流日夜元氣共渾瀨結樓在清虛挹勝况蓬島
練光亭

練光亭迥枕城闔山水空涵萬象新魚躍奮飛許多

景高吟誰會得精神

遺愛碑歌

楊士彥

遺愛歌聲遠播一夫謠萬人和抱布握粟買貞玉一
片龜趺涓水涯涓水滔滔樂多時父老長言壬寅頌
壬寅今已十八秋死者可作碑可休

咏歸樓

沈守慶

江水中分燕尾流高樓俯壓白蘋洲連天極浦孤帆
去繞郭長林晚靄收忙裏偶然諧宿願困餘猶得辦
佳遊主人慰客真多事更遣笙歌滿畫舟

西京圖

鄭惟吉

西京素稱佳麗地檀下真人始都此中間千載太師
來八條遺風井田址平生夢想今見之十幅金屏開
逶迤緬思割據互吐吞樂浪始平安東始經營未免
壑歲舟統三屬一歸麗氏年年巡幸春復秋長樂宮
花大司水前王遊豫後嗣又竟使金甌完又毀終然
神器歸有德聖祖陶甄無遠通回環襟帶作雄鎮排

置官司許分委上通中國走神京日夕紛紛冠蓋至
栽松十里映官津畫船蕭鼓被羅綺吳中形勝粉堞
橫抗城樓閣青烟起綾羅錦繡最明媚牧丹峰高窮
俯視練光橫占快哉清風月遙添挹灝峙詠歸臨浦
管閑愁浮碧倚空樽四羨經過不獨東方人品題亦
有皇華使城西普通絮飛飛折柳人看灞橋似奇蹤
共說東明主古跡宜尋永明寺麟起石在歲月深鳳
去臺空雲樹靡興亡無盡水空流富貴有窮名不死
前朝寺剝烟雨中聖代衣冠歌舞重吾王報本無不
在四時芬苾隆孝思中官內相騎聯廟命視殿宇如

親履餘事龍眠黃鶴歸風物森然呈玉几巖壑增秀
水增麗似為重瞳一顧喜崔滋作賦務誇張權迂題
詩撮實理爭如指授出宸衷點畫一一團象史淋漓
元氣聚於斯百里湖山歸一指微臣領略有餘趣况
然身在長安里治由同道難同事古今興亡同一軌
山河雖美不在險天命靡常焉足恃願將此畫在鑑
戒永鞏鴻圖期不圯

巾車同魏諫議出平壤城東北並江行登浮碧樓
雨憇永明寺晚霽觀麒麟窟遂泛舟南下還大同
館作

許國

我行海國誰與俎賞心賴有山水俱平壤山水更奇
絕樓臺縹緲江天虛探竒吊古興有餘巾車復出城
之隅石壁如削江如紆中懸一道凌嶽嶇江流忽轉
石磴高青雲白雲垂兩橋平臺迥絕臨江臯浮碧之
樓高岩崑岩崑回合抱崖石江島前橫破江碧鰲背
微茫露一洲又如彩虹半落江烟秋北涯小閣更隈
隩沉沉下瞰江水綠微風龍鱗波蹙玉岸草汀花媚
幽獨江連山氣何杳冥回看西倚之翠屏牧丹片片
照江色倒挿琉璃錦障明岸南斜帶永明寺錦障橫
天落金地門端尚懸高麗詩當時具解中華字山雲

忽起山雨至咫尺烟霞有靈闕晚晴着屐還登山千
峯萬峯空翠寒麒麟已去窟空在古石仄疊苔痕斑
聞說東明昔仙去獨控麒麟出烟霧朝天石上留蹄
涿水沒江潭不知處嗟嗟此事竟荒唐八駿不聞周
穆王枕中鴻寶徒自秘小山無補淮南亡有酒且傾
勿復道秋江極目傷秋草與君鳴笳放舸下中流青
天不動波如掃却顧向來浮碧樓蒼蒼暮靄沉江島

快哉亭

危榭俯城隈登臨亦快哉山光低卷幔江色近啣盃
雲樹千家市烟霄百尺臺更憐遙望處荷葉水真開

先月亭

幽亭宜待月宴坐但迎風江雨暮偏急林霜秋未空
亂帆烟樹裏疊嶂水雲中安得開晴望清尊永夜同

魏時亮

來時月不見去路月生逢獨有吟弄意惺惺常自知

練光亭

許國

薄暮驅車江上來練光亭俯大江開長江萬古瀉空
碧天落銀河抱檻迴平沙浩浩帶烟樹遠翠微茫見
江嶼江頭亂石舞鯨鯢橫波欲渡江潭去矗如鰲背
負蓬山側疊江城裏碧巒睥睨百尺掛江樹樓臺倒

影冲融間輕舟片片疑落葉散亂江風點飛雪自異
槎浮牛女津還同棹下山陰月落日浮雲江上秋平
壤往事隨東流城南惟有井田在古壇零落空山邱
俯仰乾坤一揮手日子河甥今在否魚龍搏水不成
橋未黍遺墟堪酌酒我歌白雲繞坐飛醉拂城闌作
釣磯投竿忽動滄洲興控鶴終期海嶠歸

登風月樓渡凌波橋慈愛蓮堂觀荷有作

南國芙蓉花昔賢聊寄意芬芳播海隅臺沼足佳致
層樓瞰清冷孤樹隱荷芰水上卧長虹空中舉香袂
凌波弄素影俯檻散幽思殘夢已飄紅踈莖猶疊翠

盃搖暮霞色衣染秋霜氣澹雨言與忘悠然心自媚
盈盈隔笑語米米憶交契落日更登樓風月見光霽

大同江

韓世能

雪霽澄空玉宇浮江山如畫一登樓凍雲樓壁低瓊
樹別島拖烟界碧流錦繡峰前舒遠目麒麟石上憶
仙遊剛風獵獵吹衣袂相對清尊傍晚留

涓水蘭舟渡川塗凍雪賒江山疑合壁星漢試浮槎
倚棹仍看壁持盃共聽笳王程值佳景忘却在天涯
練光亭

山城亭榭俯江津浮碧南來更絕塵不盡波光淨如

練無邊雪色白於銀亂峰殘照樽中入青雀黃龍水
面巡佳景滿前題不得獨憑寥廓會吾神

快哉亭

景豁意自快時平心亦清山高郡齋寂亭上理琴絃

大同江

陳三謨

畫船高聳俯清瀾疊翠層巒一望寬渺渺浮雲連草
樹皚皚積雪映江湍滄波古渡銀灘近碧漢遙峰綾
島寒檻外風光者未盡夕陽烟霧已瀰漫

秋香堂

東籬曾愛賞千載有同襟晚色凌霜艷寒香泛酒斟

名流人又古堂在我如今這裏悠然趣趣誰辨淺深

浮碧樓

李山海

麟馬朝天不記年江山如昨思依然斜陽半斂綾羅
島十里平沙又暝烟

練光亭

鄭澈

深夜澄江靜不波桂輪引壁素華多天遠島嶼微微
見樓外汀洲漠漠斜超忽直疑滌紫府杳冥還似泛
銀河萬家岑寂嚴城閉唯有沙禽掠岸過

綠空一鏡委金波朱箔踈繡影更多夜久素娥和露
冷樓高仙桂近人斜明籠水國迷銀界光溢天衢沒

隔年仙夢斷重到客襟涼
會把如船葉留連酌玉漿
快哉亭
成憲

故國登臨處山河信義我
川原雲外樹荷芰雨中杯
井畫猶遺地江流更有真
逢迎無勝友真使笑顏開
泛大同江次王給諫韻
黃洪憲

風落江寒橘袖黃畫船蕭
鼓晚相將啣杯共醉藤蘿
月火樹連城徹夜光

水落霜飛塞草黃
延津此夜合干將
江山倘借藍田
筆東壤千秋倍有光

浮碧樓

飛龍百尺巖龍從極目烟
霄四望通山疊青螺浮碧
漢江搖白練曳長虹芙蓉
檻度清笳細鷓鴣盃殘綠
蟻空搔首幾回懷謝朓從
來綵筆定誰雄

練光亭

開樽坐江閣落日萬家烟
卷幔山浮翠行厨膾擊鮮
放歌飛口雪把酒問青天
歸路星河淡城頭列炬燃

浮碧樓

王敬民

巖前纔憇大同館江上復
登浮碧樓寒日西沉自慘
慘澄波南下何悠悠近洲
鷗訝鏡中見倚檻人疑天
上遊歲晏相將弄酒盞瞻
雲猶自生離愁

江上泛舟

江上晚同江夏黃中流樽酒喜相將
船頭鼓韻無蕭韻城畔燈光映水光

溯游畫鷁已昏黃東使清樽為客將
對燈聯翩揮綵筆星明綺席倍輝光

快哉亭

倦矣過危嶺快哉憇此亭拂簷乾鵲度
隔樹綵雲停水快澄如鑑山橫儼似屏
不緣承帝命海國幾曾經

樓船

崔慶昌

水岸悠悠楊柳多小船遙唱採蓮歌
紅衣落盡秋風

起日暮芳洲生夕波

林植

長洲烟樹夕陽多寶瑟瑤箏倚艷歌
芳醕百壺人欲醉滿船離恨一江波

徐益

南湖士女採蓮多曉日明粧相應歌
不到盈裳不回頭有時遙渚阻風波

李達

蓮葉參差蓮子多蓮花相間女郎歌
歸時約伴橫塘口辛苦移舟逆上波

平壤即事

林悌

層城碧樹壓微瀾，天視樓臺縹緲間。
故國繁華今尚在，月明歌吹動江關。
涓江兒女踏春陽，江上垂楊正綺腸。
無限烟絲若可織，為君裁作舞衣裳。

平壤志選三